



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __.__.2021. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj _____ godine, primilo je k znanju

Informaciju o statusu muzejskog prostora u Vijećnici sa prijedlogom zaključka

PREDSJEDAVALAČI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

**Informacija
o statusu muzejskog prostora u Vijećnici sa prijedlogom zaključka**

Predlagač: Gradonačelnica
Obrađivač: Služba za urbano planiranje,
investicije, stambene i komunalne poslove i
Stručna služba gradonačelnice Grada Sarajeva

Sarajevo, oktobar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



MUZEJSKI PROSTOR U VIJEĆNICI

Sarajevska vijećnica, najpoznatije je sarajevsko zdanje, kao gradska kuća, a još više kao višedecenijsko sjedište Nacionalne i univerzitetske biblioteke Bosne i Hercegovine, već duže od jednog stoljeća bila je u žiži svih bitnih političkih i kulturnih dešavanja u Sarajevu i Bosni i Hercegovini. Ona je svjedok smjene nekoliko državnih sistema, Sarajevskog atentata, strašnih iskušenja dvaju svjetskih ratova, jedinstvenog uspona grada u vrijeme XIV Zimskih olimpijskih igara 1984. godine i konačno kao Nacionalna biblioteka bila je izložena barbarskom napadu, paljenju i razaranju. Postala je tako savremenom metaforom urbicida, kulturocida...

Prostor muzeja nalazi se u suterenu Vijećnice i zauzima centralni potkupolni prostor ispod aule koji je sam po sebi atraktivan svojom heksagonalnom formom obogaćenom radijalno simetričnim stubovima, lukovima i svodovima. Takav šestougaoni prostor, sa mogućnošću kružnog i pravolinijskog kretanja, uslovio je i organizaciju muzejskog prostora.

Muzejski koncept „Muzej Vijećnica“, kao ideja koja datira još od vremena same obnove simbola grada – Vijećnice u Sarajevu, zamišljen je kao atrakcija koja na više različitih načina (multimedija, audiovizuelni efekti, artefakti i ostalo) posjetiocima treba da prikaže i približi bogatu istoriju ovog nacionalnog spomenika.

Cilj uređenja muzejskog prostora je da se novim pristupom dizajnu prostorija muzeja osavremeni postojeći sadržaj, čime bi se privukla mlađa publika, povećala posjećenost i interesovanje građana za kulturu i umjetnost. Upotrebom različitih medija data je dinamičnost prostoru, kako bi se posjetiocima zadržala pažnja sa istim interesovanjem od početka do kraja.

U januaru 2021. godine otpočet je postupak unutrašnjeg uređenja muzejskog prostora u Vijećnici.

Glavni projekat izradila je firma „Urbing“ d.o.o. Sarajevo te su u skladu sa ovim projektom izvedeni radovi unutrašnjeg uređenja ovog prostora.

Ukupna vrijednost izvedenih radova, odnosno sredstva izdvojenih u ove svrhe je 931.688,51 KM (izvođač radova bila je firma „Neimari“ d.o.o.), a vrijednost stručnog nadzora nad izvođenjem radova iznosila je 6.727,50 KM (nadzor je vršila firma „Arhiplus“ d.o.o. Mostar).

Radovi su završeni 27.08.2021. godine, a sredstva su osigurana dijelom iz Budžeta Grada, a dijelom iz kreditnih sredstava.







Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Na osnovu člana 26. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradskog Vijeće Grada Sarajeva na ___ sjednici održanoj dana __. __. 2021. godine, donijelo je

(prijedlog)

ZAKLJUČAK

1. Zadužuje se gradonačelnica Grada Sarajeva da poduzme potrebne aktivnosti i pristupi postupku rješavanja statusa muzejskog prostora u Vijećnici, suteran objekta.
2. U cilju realizacije zaduženja iz tačke 1. ovog zaključka ostvarit će se neophodni kontakti sa nadležnim organima u Javnom preduzeću za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „SARAJEVO“ d.o.o. (JP „Sarajevo“ d.o.o.), kao i sa nadležnim organima JU „Gradski muzeji“ Sarajevo, a po potrebi i sa drugim organima i tijelima te po okončanju istih Gradskom vijeću Grada Sarajeva dostaviti prijedlog konačnog rješenja statusa predmetnog prostora smještenog u suteranu objekta Vijećnica.
3. Ovaj zaključak stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALAČI GRADSKOG VIJEĆA

Jasmin Ademović

Broj:
Sarajevo,

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



OBRAZLOŽENJE

PRAVNI OSNOV

Pravni osnov za donošenje Zaključka sadržan je u odredbi člana 26. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je propisano da Gradsko vijeće Grada Sarajeva donosi odluke, druge propise i opće akte i daje njihovo tumačenje.

RAZLOZI DONOŠENJA

Informacijom o statusu muzejskog prostora u Vijećnici, Gradsko vijeće Grada Sarajeva je upoznato sa postupkom obnove suterena Vijećnice u kojem je smještena ova postavka.

Obzirom da su u predmetni prostor uložena značajna finansijska sredstva (vrijednost radova: 931.688,51 KM, vrijednost stručnog nadzora: 6.727,00 KM), to se javila potreba pravilnog rješavanja statusa ovog prostora, odnosno određivanja organa koji će biti nadležan za upravljanje prostorom.

Odlukom o osnivanju javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa za Grad Sarajevo („Službene novine Kantona Sarajevo“, br. 32/16 i 8/19) osnovano je Javno preduzeće za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa za Grad Sarajevo, prvenstveno u cilju održivog upravljanja, zaštite i održavanja objekata u vlasništvu Grada Sarajeva, odnosno objekata i imovine datih na privremeno ili trajno korištenje ili upravljanje Gradu i efikasnije realizacije komunalnih i drugih djelatnosti od javnog interesa u nadležnosti Grada Sarajeva. U takve objekte spada i objekat Vijećnice u čijem sklopu (suteren) se nalazi muzejski prostor.

Cijeneći namjenu predmetnog prostora (muzejska) i djelatnosti koje u skladu sa Odlukom o klasifikaciji djelatnosti BiH 2010 obavlja JP „Sarajevo“ d.o.o., a u koje ne spada muzejska djelatnost, kao i potrebu privođenja namjeni prostora i pravdanja uložениh sredstava u njegovo renoviranje, neophodno je precizno definisiti status prostora, odnosno utvrditi organ koji će istim upravljati.

Zbog naprijed navedenog, neophodno je otpočeti aktivnosti na rješavanju ovih bitnih pitanja i po rješavanju istih predložiti Gradskom vijeću Grada Sarajeva konačno rješenje.

FINANSIJSKA SREDSTVA

Za realizaciju Zaključka nisu potrebna dodatna finansijska sredstva.